





NAZIOARTEKO ELKARTASUNAREN XX  
**NAFARROA**  
SARIA

**2023KO EDIZIOAREN OINARRIAK**

### **1.a- Sariaren helburua eta diru-kopurua**

- 1.1. Hau da sariaren helburua: nabarmentzea eta aintzat hartzea nazioarteko garapenerako lankidetzaren edozein alorretan nabarmendu diren erakunde, gobernuz kanpoko erakunde eta pertsona fisikoen lana, batez ere Garapen Jasangarriko Helburuak lortzeko emandako laguntza.
- 1.2. Saridunak 25.000 euro jasoko ditu eskudirutan. Saria xede horrekin antolatutako ekitaldi publikoan banatuko da. Eguna eta formatua bilakaera epidemiologikoaren arabera finkatu eta behar bezala iragarriko dira. Erakunde edo pertsona saridunak sari-banaketako ekitaldian parte hartu beharko du —ezinbesteko kasuetan salbu, eta kasu horretan, ordezkari bat joan ahal izango da—, baita sari-banaketaren harira antolatzen diren beste jarduera batzuetan ere, egoerak horretarako aukera ematen badu.
- 1.3. Antolatzailea arduratuko da saria jasoko duen pertsona bertan izateak sortutako gastuez.

### **2.a- Non eta noiz aurkeztu hautagaitzak**

- 2.1. Nafarroako Gobernuako Erregistro Orokor Elektronikoaren bitartez, telematikoki aurkeztu behar dira bai hautagaitzak eta baita dagokien dokumentazioa ere. Nafarroako zerbitzu-atarian argitaratutako fitxa erabili behar da horretarako, Eskubide Sozialetako Departamentuaren webgunera sartuz, eta Garapenerako eta Ekintza Humanitariorako Lankidetzaren Atalari bidali behar zaio.
- 2.2. Posta elektronikoz ere aurkez daitezke, helbide honetara bidaliz: [servcoopdes@cfnavarra.es](mailto:servcoopdes@cfnavarra.es). Posta ziurtatuz ere bidal daiteke, Babes Sozialaren eta Garapenerako Lankidetzaren Zuzendaritza Nagusira (González Tablas

kalea, 7 - 31005 Iruñea, Espainia), gutunazalean hau jartzen duela: Elkartasunaren Nazioarteko «Nafarroa» Sarirako. Mezularitza-zerbitzuz bidaltzen bada, posta elektronikoz jakinarazi behar da (goian aipatutako helbidera bidaliz), bidalketa egiten den egun berean.

- 2.3. Hautagaiak aurkezteko epea oinarri hauek argitaratu eta biharamunean hasten da; amaitu, berriz, 2023ko ekainaren 15ean.}

### **3.a.- Proposamenak egin ditzaketen erakundeak**

- 3.1. Edozein herrialdeetako erakunde publikoek (gubernuek, ministerioek, udalek, unibertsitateek, akademiek, ikerketa-zentroek, enbaxadek, kontsulatuak...) gain, legez eraturako hezkuntza-, kultura- eta gizarte-erakundeek, gobernu kanpoko erakundeek eta enpresa pribatuak ere aurkeztu ditzakete hautagaitzak, Nafarroako Foru Erkidegoko Administrazio Autonomikokoek izan ezik.
- 3.2. Aurreko bi deialdietan finalista izandako hautagaitzak berreskura daitezke.
- 3.3. Norbaitek bere burua edota legez ordezkatzeko duen erakundearen izena aurkeztuz gero, hautagaitza hori baztertu egingo da.
- 3.4. Sarirako hautagaitzak aurkezteak berekin dakar oinarri hauek oso-osorik onartzea.

### **4.a.- Zer dokumentazio eskatzen den**

Dokumentazio hau aurkeztu behar da hautagaitzarekin batera:

- 4.1. Proposatutako erakundearen edo pertsonaren nortasun juridikoa egiaztatzeko datuen berri ematen duen agiria, II. eranskinean jasotako ereduari jarraikiz.
- 4.2. Azalpen-txosten bat (2.000 hitz gehienez), saria eskuratzeko meritua egiaztatzen dituzten ekintza, programa, neurri eta gainerako informazioa jasotzen dituen (III. eranskinean dago txosten hori aurkezteko ereduak).
- 4.3. Azaldutako meritua egiaztatu eta ziurtatzen laguntzen duen edozein dokumentazio osagarri, erakunde publiko edo pribatuak nahiz ospe handiko pertsonalitateek hautagaitza babesteko egindako eskutitzak barne harturik.
- 4.4. Aurreko urteetan hautagairen bat aurkeztu eta berriz ere aurkezteko asmoa duten erakundeek datu hauek ematen dituen agiri sinatu bat aurkeztu behar dute: zer urte eta ediziotan aurkeztu zen hautagaitza aurretiaz; edizio hartan aurkeztutako dokumentazioaren baliozkotasuna (informazio osagarria edo beste material batzuk; esate baterako, DVDak, liburuak eta abar). Halaber, hautagaitza horren meritua egiaztatzeko agiri eguneratua (II. eranskina) aurkeztu behar dute, eta azalpen-txosten eguneratua (III. eranskina). Dokumentazio osagarri

gehiago ere aurkeztu daiteke.

- 4.5. Hamar eguneko epean akatsak zuzentzeko edo ezinbesteko agiriak aurkezteko ere eska dakiogke hautagaitzaren aurkezleari, eta jakinarazi hori egin ezean ez zaiola hautagaitza onartuko.

## **5.a.- Izapideak**

- 5.1. Aurrehautaketa ez-loteslea egin dezakete Babes Sozialaren eta Garapenerako Lankidetzaren Zuzendaritza Nagusiak –Diru-sarrerren Bermearen eta Garapenerako Lankidetzaren Zerbitzuaren bitartez– eta Laboral Kutxak saria emango duen epaimahaiarentzat. Horretarako, finalisten proposamenaren nahiz aurkezturiko gainerako hautagaien berri emango diote.
- 5.2. Aurrehautaketa-fasean, honako alderdi hauek hartuko dira kontuan, epaimahaiaren orientagarri:
  - a) Elkartasun-lana kokatzen den testuinguruaren azterketa.
  - b) Garapen Jasangarriko Helburuak lortzeko ahaleginari egiten zaion ekarpena.
  - c) Edukiaren izaera berritzailea.
  - d) Iraunkortasuna: esku hartu den komunitatean edo esparruan sustraituta egotea.
  - e) Lana talde ahulei laguntzera bideratzea.
  - f) Antzeko erakunde edo sareekiko lankidetzeta eta/edo koordinazioa.
  - g) Esku hartutako herritarrengan, erakundean edo arloan sariak izango dituen onura eta/edo zeharkako eragin onuragarriak.
  - h) Proposaturiko erakundeen gaitasun instituzionala edo pertsonen ibilbide profesionala.
  - i) Genero-ikuspegiak proiektuan duen garrantziaren maila.
- 5.3. Sariari buruzko edozein informazio jasotzeko, jarri harremanetan Nafarroako Gobernuarekin (Diru-sarrerren Bermearen eta Garapenerako Lankidetzaren Zerbitzua), + 34848426313 telefono-zenbakira deituz edo mezu elektronikoko bat bidaliz helbide honetara: [servcoopdes@cfnavarra.es](mailto:servcoopdes@cfnavarra.es)
- 5.4. Deialdia egin duten erakundeei dagokie, soil-soilik, haren inguruan sor litezkeen gai edo auzi guztiak ebaztea.

## **6.- Epaimahaia, erabakia eta saria ematea**

- 6.1. Zazpi lagunek osatuko dute epaimahaia (presidenteak eta sei kideak), guztiak ere ospe handiko eta elkartasunaren munduarekiko sentsibilitate aitortu eta nabarmena duten pertsonen artean aukeratuak. Emakumeen eta gizonen arteko ordezkaritza orekatua aurreikusitako behar da epaimahaia osatzeko.

- 6.2. Zer hautagai hautatu erabakitzeko, aurrehautaketarako erabilitako irizpide berberak baliatu behar ditu epaimahaiak.
- 6.3. Aho batez eman behar dute saria epaimahaikideek; erabateko adostasunik ez badago, gehiengo soilez.
- 6.4. Epaimahaiaren erabakia prentsaurreko bidez jakinaraziko zaie hedabideei. Saria zer erakunde edo pertsonak irabazi duen jakinaraziko da edo, horrela badagokio, hutsik gelditu dela.
- 6.5. Ekitaldi publiko batean emango da saria. Epidemiaren bilakaera kontuan hartuta erabakiko da noiz eta zer formatutan egingo den ekitaldia, eta garaiz emango da haren berri.
- 6.6. Saritutako erakundearen ordezkariak edo pertsonak erabateko prestasuna izango du sari-banaketaren egunean eta hurrengo egunean, antolatzaileak proposatutako ekitaldietan eta jardueretan parte hartzeko.



[www.navarra.es/es/derechos-sociales/cooperacion-internacional](http://www.navarra.es/es/derechos-sociales/cooperacion-internacional)  
[premiosolidaridad@navarra.es](mailto:premiosolidaridad@navarra.es)